

Bolwetse jwa mofikela

Setswana

Kgato

3c



Room To Read



Bolwetse jwa mofikela
Setswana
Kgato 3C

ISBN: 978-1-77981-189-9


© 2023 Ulwazi Lwethu African Languages Literacy Project

Mokwadi: Room To Read

Motshwantshi: Riaan Muller

Thadiso le setshwano: Rock Bottom Graphic & Design

Kgatiso ya ntlha 2023.



Bolwetse jwa mofikela



Room To Read

Raphike o tsenwe ke phefo mo mmeleng. O a roromela ebile o a ethimola. O opiwa ke tlhogo. Raphike o a bobola.





Raphike o dira thata, go tloga mo mesong go fitlha fa letsatsi le wela. O dira go le tsididi a sa apara diaporo tse di bothitho. Jaanong, o tshwerwe ke mofikela. Ke mofikela o o maswe. O a bobola.

“Mofikela o, o tlile go mpolaya. O kotsi e le ruri.” ga bua Raphike. “Ga ke na keletso ya dijo. Ga go na se se tsenang. Masole ame a mmele, a bokoa.”





Morwaagwe Phatlha, o belaela thata. "Rre ga a je, ga a robale, ebile o nna a tlhakatlhakane." ga rialo Phatlha. Phatlha a tsoga e sa le phakela, a ya thabeng. A boa a tshotse lengana. A Raphike o tlaa le nwa? Phatlha a apaya lengana mme a le naya rraagwe, Raphike. Raphike a kgapa kopi, lengana la tshologa.

“Rre ga a batle go fola. Goreng a kgopa lengana le? Jaanong o tla fodisiwa ke eng? E re ke go rekele setlhare sa mofikela.” ga rialo Phatlha.





Phatlha o nna le rraagwe yo a leng mogae ka ntlha ya botsofe. Mmaagwe o dira kwa toropong. O tla gae gangwe mo kgweding. Phatlha o leleditse mmaagwe mogala go mo itsise ka ga seemo sa ga rraagwe. Mmaagwe a mo gakolola gore a mo rekele setlhare sa mofikela.

Ka bonako Phatlha a leba khemising, a boa a tshotse setlhare seo. A tsaya leswana a tshela setlhare. Raphike a nwa setlhare, morago a robala.





Raphike a tlhakatlhakana, a thuba lebotlolo la setlhare. “Mmalo! lebotlolo la setlhare le thubegile. Ke tla fola jang? Ke setlhare sa theko e kwa godimo.”

“Rra, lebotlolo la setlhare le thubegile. Setlhare se tshologile. ga bua Phatlha. “Ijoo, morwaake, ke phoso.” ga araba monnamogolo a lebega a utlwile botlhoko.





Maitsiboa Phatlha a nna a le esi ka fa phaposing, a lebelela thelebišene. O ne a nagana ka ga bolwetse ba ga rraagwe. Ga fitlha nako ya dikgang mo telebišeneng. A kgatlhegela go ultwa go buiwa ka ga bolwetse jo bogolo jwa COVID-19. Bo ne bo aparetse lefatshe lotlhe. Boidiidi jwa batho bo latlhegetswe ke matshelo ka ntlha ya bolwetse jo. A tsenwa ke letshogo.

Setlhare se thubegile ruri. Mofikela o gateletse rraagwe. Dikarolo tsa gagwe tsa mmele di a opa. Ga a sa kgona go iterela sepe. Phatlha a nagana ka bolwetse jo bogolo jwa mofikela.”Jaanong gone ke go felegetsa tliniking go ya go lekolwa.” Raphike a rotola matlho a tshikinya tlhogo, a re, ”Koo teng ga ke ye.”





Mo mosong Phatlha a ya marekelong go ya go reka lokwalodikgang jaaka gale. Mo tsebeng ya ntlha go ne go kwadilwe: “COVID-19 Bolwetse jo bo kotsi” ka ditlhaka tse dikgolo. Fa a fitlha gae, a nna fa fatshe a buisa sethogo seo sentle. Sa tthalosa ditshupo tsa bolwetse jo le gore batho ba tshwanetse go ya go lekolwa.

Phatlha a simolola go balabala ka pelo. A ya kwa phaposing ya ga rraagwe. A mo lebelela mo bolaong. Ga a kgone sepe. Monnamogolo o a ethimola ebile o gotlholo a sa fetse. A tsaya lokwalodikgang a le lebanya le matlho a ga rraagwe gore a buise. Raphike a buisa, a leba morwaagwe mo matlhong morago a mo furaleta.





Raphike a tlhola a tlhakatlhakane letsatsi lotlhe. Go boima. “Ao, tthe rre! a re ye tlilining” Phatlha a kopa rraagwe mme ena a leba fa fatshe.

Phatlha a thusa rraagwe go emelela. Ba tsena mo koloing ba tsamaya. Ke bale, ba lebile tliniking. Thusang! Thusang tthe! Phatlha a goeletsa. Baaki ba mo thusa ba baya Raphike mo setiloteting. Ba mo isa ka fa phaposing ya go lekolwa.





Ngaka ya tthatlhoba Raphike. Ya dira diteko tsa COVID-19. Ba mo naya ditlhare mme ba mo laela go di nwa. Ba mo thaba ka lomao. Raphike a ikela ka boroko.

Mooki a gopotsa Phatlha ka melao ya boitekanelo mo nakong ya COVID-19:

- Tlhapa diatla gangwe le gape ka sesepa.
- Dirisa sebolaya-megare.
- Tlhokomela sekgala magareng ga gago le motho yo mongwe.
- Rwala sebipa nko le molomo fa o tswela kwa ntle.
- Fa o gotlholo kgotsa o ethimola, dirisa sakatuku kgotsa thiba molomo ka sejabana sa gago.





E rile fa Raphike a fola, a simolola go ja dijo.
Jaanong o natefelwa ke dijo thata. Ga a sa tlhola a
tlhakatlhakane. Phatlha le rraagwe ba itumelela go
fola ga ga rraagwe kgatthanong le COVID-19.

Raphike le Phatlha ba leboga ngaka le baaki. Go tloga letsatsing leo, Raphike a netefatsa gore o apara bothitho fa go le tsididi. Ka dinako tsothe o ne a nna a tlhapa diatla gangwe le gape ka metsi le sesepa. O rwala setswala nko le molomo go thibela COVID-19 le malwetse a mangwe.





**Ulwazi
Lwethu**

Readers

Kgato 1

- Molelo
- Nna bonolo, Malebo
- Namune e e bonolo
- Sebati le segokgo
- Pako o a penta
- Esele
- Go bala meropa
- Pula ya semaka
- Lebo o a emaema
- Komelelo
- Yuna o gobetse
- Noga
- Lerato la Mogale le Morero
- Bana ba thusang
- A di ka fofa?
- Sopo e monate
- Yuna o a makala
- Basetsana ke Badisa
- Meriri e megolo
- Jobe ga a robale
- Rre o tla boa leng?
- Ba kwa polaseng
- Jase e Fetogile
- Lerato la Mawelana

Kgato 2

- Mosebetsi le manaane.
- A re bolokeng metsi
- Metsi ka mo le ka mo
- Monyanyi wa mathaithai
- Mosese wa Mebalabala
- Sebelane sa ga Tinyeko
- Go utlwelela dijo tsa setso
- Bula, tswala, tseweletsa
- Ditlhako tsa Rethabile
- Motshameki yo o kgethegileng
- Leseka la gauta
- Tsalatsala, mosetsana wa sengangabele
- Leano la ga Mmolotsi
- Bolo e timetse
- Dimpho
- Mmutla wa mathajana

Kgato 3

- Go gola ga Segwagwa
- Molemirusi Morwesi le diggabo
- Monwedi le dithuthuntswane
- Monate wa motogo
- Molemo wa Phodiso
- Kwena e e kgopo
- Motswako o Molemo
- Moswana wa Mogale
- Morei wa ditlhapi
- Ga ke rate merogo!
- Dipoo di a itefeletsa
- Ke tse kgolo mo go nna!
- Mosetsana yo o bothhale
- Setlhako se sentle
- Mefuta ya Dinamelwa
- Basimane ba bothhale
- O a tlhobaela
- Bolwetse jwa Mofikela
- Botsalano jwa nnete
- Go fetoga

Kgato 4

- Dinotshe
- Phatso o itumetse!
- Ditsala ka dinako tsotlhe
- Molalatladi wa ga Lorato
- Mekgwa ya botshelo ba baVenda
- Mofikela wa dikolobe
- Keletso ya ga Maano e fetoga nnete
- Thapelo o tshwara legodu
- Gontse o tiisa mmele wa gagwe
- Rre wa rona, motlhatheledi wa diphologolo

Kgato 5

- Mae a Soso a a timetseng
- Mama Afrika, Mirriam Makeba
- Go thusa rremogolo go fola
- Peo ya dikgakgamatso
- Molemo o itse nako.
- Leeto go ya serapeng sa diphologolo
- Ditlhare tsa Afrika Borwa
- Toro ya ga Phenyo



Ulwazi Lwethu ke setheo se se simolotsweng le go tshegetswa ka madi ke Zenex Foundation go tokafatsa motseletsele wa dibuka o o kwadilweng go ya ka dikgato le ya boitapoloso mo babusing ba dipuo tsa seAforika mmogo le didiriswa tsa tshegetso ya morutabana. Motseletsele o, o kwaletsewe gore o rute le go tshegetsa barutwana ba Kgato ya motheo gore ba tokafatse puiso le tlhologanyo ya bona ya Puo ya gae. Dibuka tse tsa puiso, di tlhagelela ka diteme di le robongwe tsa seAforika, ka tirisano mmogo le Molteno Institute for Language and Literacies, Nelson Mandela Institute, Room to Read South Africa, le Saide. Didiriswa tsotlhe di tsweliswa jaaka “Open Education Resources” (OER).

Please visit our website to download the full copy of this reader:
ulwazilwethu.org.za



Creative Commons Attribution-NonCommercial-NoDerivatives (CC BY-NC-ND) 4.0 International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

